

REFERAT FRÅ MØTE I ARBEIDSGRUPPE HELSE OMSORG OG VELFERD.

Dato:	Stad	Tid:
07.05.19	Tinghus 1, Leikanger	15.00-17.00

Desse møtte:

Gunnar Steine, Henrik Høberg, Heidrun Grinde, Leiv Erik Husabø, Jan Ove Tryti, Anne Brennset Gjerland, Anita Foss Midlang og Åslaug Brænde.

1. Spørsmål frå Helsetenestas driftsorganisasjon for naudnett HF vedk. kommunesamanslåing.

Nye Sogndal kommune v/prosjektrådmann har motteke fylgjande frå Helsetenesta sin driftorganisasjon for naudnett HF:

HDO planlegg aktivitet i forhold til kommande kommunesamanslåing, i denne prosessen har dei kartlagt at vi er berørte på fleire punkt; 116117, legevakt, avtalar, naudnett radioterminalar. Ynskjer å få på plass desse punkta i god tid før 01.01.20, og ynskjer tilbakemelding på vedlagt brev innan 16.05.19.

Gunnar har kontakta HDO ved Mads Sønsteby og fått tilsendt gjeldande avtalar HDO har med Sogn LMS og SYS-IKL til orientering. Desse er sendt arbeidsgruppa.

Saka gjeld no tilbakemelding på dei spørsmåla som går fram av vedlegg 1 over. Me skal svara på det som gjeld helse og så langt me har oversikt no.

- Leiv Erik Husabø står som kontaktperson og vil svare ut dei spørsmål som går fram av vedlegget.

2. Gjennomgang av rapport frå fysio-/ergoterapi

Arbeidsgruppa sluttar seg til rapporten med desse tilbakemeldingane;

- Styrking av habilitering og rehabilitering
- Uhensiktsmessig bruk av ergoterapi ressurs, (bestilling av hjelpemiddel)
- Rekvirentkurs for tilsette ligg på NAV sine nettsider
- Tenesteleiari får ansvaret for det vidare utviklingsarbeidet for tenesta, rapporten er eit godt grunnlagsdokument for dette arbeidet.

3. Status for området helse og omsorg fram mot NSK

01 Arbeidsgruppe

Arbeidsgruppene har levert rapport, ny arbeidsgruppe psykisk helse og rus leia av Trude Os.

02 Prosjektplan, tenke heilheit korleis nyttar vi institusjonsplassar

I fortsettinga av utviklingsarbeidet med å sjå ny kommunens ressursar under eit er det utarbeida følgjande mandat:

Gjennomføre eit samarbeid mellom Sogndal helse og omsorgssenter og Leikanger sjukeheim- om lån av korttidsplassar, rehabiliteringsplassar, utvikling av rutinar og praktisk gjennomføring.

Mandatet er sendt til Karita Nes og Hanne Hoff, tenesteleiarane i Sogndal og Leikanger. Kommunalsjefar i Leikanger, Balestrand og Sogndal vil fungere som styringsgruppe for arbeidet

03 Hukommelses team

Som ei vidareutvikling av samarbeidet på tvers og som eit resultat av rapport frå heimetenestene ser ein behovet for å etablere eit hukommelses team i NSK.

Ressurspersonar frå kommunane er meldt, og det vil vere ein 7-8% ressurs i dette arbeidet. Personane vil møtast kvar 3 veke og arbeide med oppgåver knytt til demens og tidleg innsats ut mot pårørande. Kontakt mot USTH, kompetanseteamet i Bergen og Aldring og helse.

04 Tildelar og bustadkontor

Gjennomført intervju, tek sikte på tilsetting i juni.

05 Vestlandskonferanse

Kviknes hotell 23-24. april 2019. Vi skal arrangere vestlandskonferanse der vi har fokus på aldersvennlege samfunn, folkehelse og det gode liv. Tre kommunar som blir til ein, set oss på kartet i forhold til samarbeid og samhandling. Prosjektgruppe vil bli etablert.

4. Økonomi

Bestilling frå økonomisjef til kommunalsjefane, det skal utarbeidast budsjett og den første økonomiplanen for Nye Sogndal kommune. I tillegg til sjølve budsjettet skal ein sei noko om konsekvensar av kommune samanslåinga på kort og lang sikt.

Gjennomgang ved Gunnar Steine, korleis rapportere på skjema viktig med lik terskel i alle tre kommunar, innspela skal gis i samla linje.

Skjema 01 Drift

Endring i tiltak, dvs. nye tiltak og tiltak som går ut. Effektiviseringstiltak skal ikkje leggast inn, berre tiltak om faktiske endringar (teneste som blir avvikla). Nummerer heilt ned på postnivå- ny kontoplan i NSK

Skjema 02 Investering

Investeringsprosjekt, over kr 100 000,-

Skjema 03 Konsekvensar av kommunesamanslåinga

Konsekvensar innanfor ulike området, tankar med omsyn til harmonisering av tenester på kort og lang sikt. Kvar ser vi for oss at vi kan hente effektiviseringsgevinsar?

Skjema 04 Analyse av Agenda Kaupang

Korleis tenkjer du som kommunalsjef å bruke rapporten i det vidare arbeidet innanfor dine aktuelle tenesteområde?

Neste møte vert 11.06 kl. 15.30 – 17.00 på Leikanger tinghus.

Anita Foss Midlang